

Comedor escolar

1. Ámbito de aplicación

Para poder ser usuario do servizo, o alumnado deberá estar escolarizado no centro que lle corresponda segundo a distribución das áreas de influencia establecidas polos titulares das Xefaturas Territoriais da Consellería ou contar cun ditame ou comunicación de escolarización forzosa emitido pola Administración Educativa.

Considerarase como domicilio familiar o habitual de residencia das/os representantes legais do alumnado ou, se é o caso, o das alumnas e alumnos menores de idade que co consentimento dos pais vivan en domicilios distintos dos daqueles.

Cando os representantes legais do alumnado vivan en domicilios diferentes, considérase como domicilio familiar o aquel con quen este conviva.

O domicilio familiar acreditarase mediante certificado do padrón municipal no que figuren todos os membros da unidade familiar que conviven nel. A data de alta no concreto domicilio deberá ter unha antigüidade mínima dun ano respecto ao inicio do procedemento de admisión ao comedor, agás circunstancias debidamente xustificadas. Así mesmo, o certificado deberá estar expedido dentro do ano natural ao que corresponda o proceso de admisión.

Con carácter excepcional, poderá considerarse como domicilio familiar o de outras/os familiares cos que efectivamente conviva a alumna ou alumno, sempre que esa convivencia real se probe mediante certificación expedida para tal efecto polo concello a partir dos informes da Policía Local ou da Garda Civil.

No caso das/os menores en situación de acollemento para acreditar o domicilio habitual do menor, as familias de acollida presentarán fotocopia da resolución ditada pola correspondente Xefatura Territorial da Consellería de Política Social expedida a tal efecto.

1.3 Medidas de protección e seguridade: protocolo covid-19

Ao respecto das medidas de protección e seguridade no contexto da Covid-

19 nos comedores escolares dos centros de ensino non universitario de Galicia seguiranse as medidas en vigor en cada momento, de ser o caso, no protocolo de adaptación a este contexto.

6. Prezos públicos do servizo de comedor escolar

ANEXO II: Modelo de autodeclaración e especificacións que deben entregar no centro cuberto en todos os seus extremos **antes do 7 de setembro de 2022.**

Para facilitar ás familias o cálculo do importe dos prezos públicos incorpórase unha calculadora a través da páxina web da Consellería:

<https://www.edu.xunta.es/comedores/calculadora.jsp>

6.2.4. Usuarios gratuítos do servizo

Segundo establece o artigo 11 do Decreto 132/2013 de comedores escolares, serán usuarios gratuítos os seguintes:

- Os alumnos pertencentes a unidades familiares que se atopen en situación socioeconómica de exclusión social certificada polos servizos sociais autonómicos ou municipais correspondentes.
- Os alumnos que se atopen en situación de acollemento residencial ou familiar.
- Os alumnos cun grao de discapacidade declarado igual ou superior ao 33%.
- Os alumnos pertencentes a unidades familiares vítimas de terrorismo ou de violencia de xénero acreditada documentalmente.
- Os alumnos pertencentes a unidades familiares cunha renda familiar anual neta per cápita inferior ou igual a 7.000 €.

6.2.5. Concepto de unidade familiar e renda familiar anual neta per cápita (A 31 de decembro de cada ano).

En base ao disposto no artigo 16 do Decreto 132/2013, o concepto de unidade familiar é o definido na normativa do imposto da renda das persoas físicas.

Aos efectos do IRPF, existen dúas modalidades de unidade familiar:

1.- No caso de matrimonio:

A unidade familiar está integrada polos cónxuxes non separados legalmente e, se os houber:

a) Os fillos menores, con excepción dos que, co consentimento dos pais, vivan independentemente destes.

b) Os fillos maiores de idade incapacitados xudicialmente suxeitos á patria potestada prorrogada ou rehabilitada.

Hai que ter en conta que a maioría de idade acádase ao cumprir 18 anos.

2.- En ausencia de matrimonio ou nos casos de separación legal:

A unidade familiar está integrada polo pai ou pola nai e a totalidade dos fillos que convivan co pai ou coa nai e que cumpran os requisitos da modalidade anterior (os supostos a) ou b) do apartado 1), no caso de custodia compartida computar os 2.

Polo tanto:

-Calquera outra agrupación familiar, distinta das anteriores, non constitúe unidade familiar a efectos do IRPF.

-Ninguén pode formar parte de dúas unidades familiares ao mesmo tempo.

O número de membros da unidade familiar realizarase atendendo á situación existente o día 31 de decembro de cada ano. Polo tanto, se un fillo cumprira 18 anos durante o ano, xa non formará parte da unidade familiar nese período impositivo. Tampouco formará parte da unidade familiar o membro que falecera durante o período impositivo.

Nas parellas de feito só un dos seus membros (pai ou nai) poden formar unidade familiar cos fillos que reúnan os requisitos anteriormente comentados (os supostos a) ou b) do apartado 1).

O mesmo criterio é aplicable nos casos de separación ou divorcio con garda e custodia compartida.

A renda per cápita familiar obterase como resultado de realizar os seguintes cálculos en base a declaración da renda do exercicio 2021.

Segundo isto, a renda familiar para os efectos da autodeclaración é o resultado da facer as seguintes operacións coa declaración do IRPF:

$\text{casiña 435} + \text{casiña 460} - \text{casiña 595} = \mathbf{X}$
--

O resultado obtido dividirase polo número de membros que forman parte da unidade familiar. O concepto de unidade familiar será o definido na normativa do IRPF.

Aclaracións para determinar correctamente a renda anual familiar

Para determinar a renda anual familiar hai que sumar as rendas obtidas por todas as persoas que integran a unidade familiar. Nesta operación poden presentarse varias situacións:

- Unidades familiares nas que ambos cónxuxes, ou calquera outro integrante dela, perciben rendas e teñen a obriga de presentar a declaración anual do IRPF. Neste caso, o importe da renda familiar resultará das sumas e restas das casiñas indicadas, que se obterán de cada declaración, se foron presentadas individualmente, ou ben, da declaración conxunta.

- Unidades familiares nas que ambos cónxuxes perciben rendas pero só un deles ten a obriga de presentar a declaración. Neste caso, a obtención do importe da renda familiar resultará das sumas e

restas das casiñas indicadas, para o membro da unidade que presentase declaración do IRPF máis o importe que resulte, para o outro integrante da unidade familiar, que non presentou a declaración do IRPF, segundo os seus datos fiscais que deberá realizar o cálculo dos seus ingresos, sumar os importes das casiñas 0003 (retribucións dinerarias) e 0027 (intereses) e restar os importes das casiñas 0013 (cotizacións seguridade social), 0596 (retencións procedentes do traballo) e 0597 (retencións procedentes do capital mobiliario).

- Cando ambos cónxuxes perciban rendas pero non teñan obriga de presentar declaración da renda ou ben cando o cónxuxe ou os cónxuxes non perciban renda ningunha suxeita a tributación no IRPF. Neste supostos, os interesados deberán consignar os seus datos fiscais do mesmo xeito que no especificado no apartado anterior para o membro que non presentase a declaración do IRPF.

6.2.6. Pagamento dos prezos públicos

Nos termos establecidos, no artigo 15 do Decreto 132/2013, o pagamento mensual dos prezos públicos pola utilización do comedor escolar producirase de acordo coas seguintes pautas:

Satisfarase entre o 1 e o 20 do mes seguinte ao da prestación do servizo.

O importe que os usuarios deberán aboar resultará de multiplicar os prezos correspondentes polo número efectivo de días de uso do comedor cada mes. Os usuarios deberán comunicarlle aos centros de ensino os días que non vaian facer uso do comedor antes das 9:45 h. de cada día.

Entenderanse notificadas as liquidacións dos prezos públicos coa posta a disposición dos obrigados tributarios dos impresos de pagamento nos que constarán os elementos esenciais das cantidades a aboar.

6.2.7. Consecuencias da falta de pagamento dos prezos públicos

Os centros deberán verificar que os usuarios xustifiquen os pagamentos, toda vez que a falta de abono do importe do servizo por parte dos usuarios será causa de perda da praza de comedor por acordo do Consello Escolar do centro.

Os incumprimentos no pagamento dos prezos públicos de cada mes impedirán a utilización ao mes seguinte do comedor escolar, mentres non se proceda á oportuna regularización dos pagamentos, para a cal contarase cun prazo máximo de 2 meses.

6.2.2. Contías dos prezos públicos

O uso do servizo, de conformidade co disposto no artigo 13 do Decreto 132/2013, dará lugar ao aboamento dos seguintes prezos públicos por parte dos suxeitos obrigados:

a) 1 € por día de uso do servizo para os alumnos cuxa renda familiar anual neta per cápita se atope nas condicións sinaladas no artigo 12.2.1 do Decreto.

Renda anual neta per cápita de 7.000,01 a 8.000,00 €

b) 2,50 € por día de servizo de comedor para aqueles alumnos cuxa renda familiar anual neta per cápita se atope nos supostos recollidos no artigo 12.2.2 do Decreto.

Renda anual neta per cápita de 8.000,01 a 9.000,00 €

c) **4,50 € por día** de servizo de comedor para aqueles alumnos cuxa renda familiar anual neta per cápita se atope nos seguintes parámetros:

Renda anual neta per cápita igual ou superior a 9.000,01 €

d) **4,50 € por día de utilización do servizo de comedor do alumnado que non pertenza á área de influencia. (1º ano).**

Os cursos seguintes míraselle a renda igual que os da área de influencia.